

গণপ্রজাতন্ত্রী বাংলাদেশ সরকার  
স্থানীয় সরকার, পল্লী উন্নয়ন ও সমবায় মন্ত্রণালয়  
স্থানীয় সরকার বিভাগ  
সিটি কর্পোরেশন-২ শাখা  
[www.lgd.gov.bd](http://www.lgd.gov.bd)

শেখ হাসিনার মূলনীতি  
গ্রাম শহরের উন্নতি

স্মারক নং-৪৬.০০.০০০০.০৭১.২৭.০২২.২০১৫ (অংশ-১)-৩৬

তারিখ: ০৯ মাঘ ১৪৩০  
২৩ জানুয়ারি ২০২৪

বিষয়: গাজীপুর সিটি কর্পোরেশনের ২৮নং ওয়ার্ডের কাউন্সিলর জনাব মোঃ হাসান আজমল ভূঁইয়া'র নাশকতা কর্মকান্ডে জড়িত থাকায় তার বিরুদ্ধে আনিত অভিযোগ তদন্তক্রমে প্রতিবেদন প্রেরণ।

সূত্র: জেলা প্রশাসকের কার্যালয় এর স্মারক নং ৪৬.৪১.৩৩০০.০০৮.০৬.০০১.২৩-৪০৬, তারিখ: ১৯ ডিসেম্বর ২০২৩।

উপর্যুক্ত বিষয় ও সূত্রস্থ স্মারকদ্বয়ের পরিপ্রেক্ষিতে জানানো যাচ্ছে যে, গত ১৩/১২/২০২৩ তারিখে গাজীপুর জেলার শ্রীপুর উপজেলার প্রহলাদপুর ইউনিয়নের বনখড়িয়া এলাকায় দুর্ভুগুরা রেললাইন কেটে ফেলায় ভাওয়াল গাজীপুর আউটারে ৭৯০ মোহনগঞ্জ এক্সপ্রেস ট্রেন আনুমানিক ভোর ৪.০০ টার দিকে ভয়াবহ দুর্ঘটনার সম্মুখীন হয়। এতে ট্রেনের ইঞ্জিনসহ ০৭টি বগি লাইনচ্যুত হয় এবং জয়দেবপুর-ময়মনসিংহ ট্রেন চলাচল বন্ধ হয়ে যায়। দুর্ঘটনার ফলে ০১ জনের মৃত্যু ও ১২ জন আহত হয়। নাশকতার অপরাধে গত ১৭/১২/২০২৩ তারিখে গাজীপুর সিটি কর্পোরেশনের ২৮নং ওয়ার্ডের কাউন্সিলর জনাব মোঃ হাসান আজমল ভূঁইয়াসহ ০৭ জনকে আটকের কথা গাজীপুর মেট্রোপলিটন পুলিশের প্রেস ব্রিফিং ও বিভিন্ন সংবাদ মাধ্যমে প্রকাশিত হয়েছে (প.পূ.৮৪-৮৫)। গাজীপুর সিটি কর্পোরেশনের কাউন্সিলরের এহেন নাশকতামূলক কর্মকান্ড দেশের শান্তি-শৃঙ্খলা নিরাপত্তার জন্য হুমকি এবং আইন-বিধি পরিপন্থী। দেশবিরোধী এ কার্যক্রমের ফলে সরকারের এবং জনগণের জান-মালের ক্ষতি হয়েছে এবং রেল যোগাযোগে ব্যাঘাত সৃষ্টি হয়েছে। এছাড়া, গাজীপুর মেট্রোপলিটন পুলিশের প্রেস ব্রিফিং ও প্রকাশিত সংবাদ হতে জানা যায় গত ১১/১২/২০২৩ তারিখে দিবাগত রাতে গাজীপুর সিটি কর্পোরেশন এর ২৮নং ওয়ার্ডের কাউন্সিলর ও সাবেক বিএনপি নেতা জনাব মোঃ হাসান আজমল ভূঁইয়ার বাসাসহ বিভিন্নস্থানে তার সভাপতিত্বে সভা হয়। উক্ত সভায় রেল লাইন কেটে নাশকতা ঘটানোর বিষয়ে সিদ্ধান্ত ও পরিকল্পনা গ্রহণ করা হয় এবং বিগত ১৩/১২/২০২৩ তারিখে রেললাইন কেটে নাশকতা ঘটায়।

স্থানীয় সরকার (সিটি কর্পোরেশন) আইন, ২০০৯ এর ১৩ ধারা অনুযায়ী সিটি কর্পোরেশনের কাউন্সিলরকে অপসারণের সিদ্ধান্ত চূড়ান্ত করিবার পূর্বে বিধি মোতাবেক তদন্ত ও আত্মপক্ষ সমর্থনের সুযোগ দিতে হইবে।

০২। এমতাবস্থায়, জেলা প্রশাসক, গাজীপুর এর প্রতিবেদন অনুযায়ী গাজীপুর সিটি কর্পোরেশনের ২৮নং সাধারণ ওয়ার্ড কাউন্সিলর জনাব মোঃ হাসান আজমল ভূঁইয়া'র বিরুদ্ধে আনিত অভিযোগ তদন্তক্রমে আগামী ১৫ (পনেরো) কার্যদিবসের মধ্যে মতামতসহ প্রতিবেদন দাখিলের জন্য নির্দেশক্রমে অনুরোধ জানানো হলো।

সংযুক্তি: বর্ণনামতে ০৩ (তিন) পৃষ্ঠা।

  
তারিখ: ২৩/০১/২০২৪  
(মোঃ আব্দুর রাফিউল আলম)

সিনিয়র সহকারী সচিব

ফোন: ৫৫১০০৪০৯

ই-মেইল: [lgcc2@lgd.gov.bd](mailto:lgcc2@lgd.gov.bd)

প্রধান নির্বাহী কর্মকর্তা  
গাজীপুর সিটি কর্পোরেশন, গাজীপুর।

অনুলিপি-জ্ঞাতার্থে/কার্যার্থে:

- ১। মাননীয় মন্ত্রীর একান্ত সচিব, স্থানীয় সরকার, পল্লী উন্নয়ন ও সমবায় মন্ত্রণালয়, ঢাকা।
- ২। সচিবের একান্ত সচিব, স্থানীয় সরকার বিভাগ, বাংলাদেশ সচিবালয়, ঢাকা।
- ৩। অতিরিক্ত সচিব (নগর উন্নয়ন) মহোদয়ের ব্যক্তিগত কর্মকর্তা, স্থানীয় সরকার বিভাগ, বাংলাদেশ সচিবালয়, ঢাকা।
- ৪। যুগ্মসচিব (নগর উন্নয়ন-১) মহোদয়ের ব্যক্তিগত কর্মকর্তা, স্থানীয় সরকার বিভাগ, বাংলাদেশ সচিবালয়, ঢাকা।
- ৫। অফিস কপি